

“URSULE PARUSSULE” PAR LAVÂSI BEN LIS MANS

Pai piçui letôrs il regâl
de ARLeF cui pipins Free e Ulli

Si invie cu la innomenade naine furlane
“Ursule parussule” il gnûf progjet de ARLeF
- Agenzie Regionâl pe Lenghe Furlane
che al insegne ai fruts regulis impuartantis di
igijene, simpri plui fundamentâls in di di vuê.

Chi in bande o cjatais la storie di Free e Ulli di
distacâ e picjâ tes cjamarutis dai fruts o in bagn.
E su Youtube e sul sît de Agenzie www.arlef.it o
podês viodi ancje il simpatic carton animât cui
doi pipins Free e Ulli: un grant crot e une piçule
moscje, personaçs che i fruts a àn imparât
a volêur ben cu la transmission televisive
“Maman!”. Te storie “Free & Ulli e lis besteatis”,
chescj doi personaçs simpatics si lavin ben
lis mans: ai fruts ur bastarà imitâju par fâlu te
maniere juste e pal timp che al covente. Cui lôr
esemplis, imparâ altris abitudins sanis al sarà
un zûc pardabon divertent.

Free e Ulli a nassin de fantasie de ilustradore
Patrizia Geremia e a dan vite aes storiis de
golaine di libris editade di Futura Edizioni, che
la ARLeF i à afidât ancje la creativât di cheste
serie “speciâl”. Tal carton animât, lis vôs prestadis
ai personaçs a son chês di doi atôrs furlans
cognossûts, Claudio Moretti e Elvio Scruzzi, intant
che la vôs che e conte e je chê di Daria Miani,
compagne di zûcs e di aventuris tant amade
dai frutins, e condutore de famose transmission
Maman! dulà che Free e Ulli a son di cjase.

“Il progjet – al spiege il president de ARLeF,
Eros Cisilino – al è nassût de colaborazion
cu la Protezion Civîl regionâl, sul imprim tant
che schede a fumets. Ma, sigûrs de simpatie
e soledut de empatie che i doi personaçs a
varessin alimentât tra i frutins, o vin inviât dal
moment ancje la realizazion dal carton animât:
al è ches, dal sigûr, un strument ancjemò
plui valit par incoragjâ i fruts a cjapâ sù tantis
abitudins coretis. Il nestri obietîf al è chel di
metisi dongje dai gjenitôrs, dai nonos e dai
insegnants che a son impegnâts tal percors
fondamentâl di educazion ae salût dai frutins.
Doprâ il furlan al rint il messaç plui diret, ma
soredut al sburte a chel aprendiment plurilengâl
che, come che a disin i studis sientifics, al
puarte cun se vantaçs grandonons, e tra chei
un disvilup cognitîf plui grant e la pussibilitât di
jessi plui pronti ai cambiaments”.

Pagjine par cure de ARLeF
Agenzie Regionâl pe Lenghe Furlane

PAÏS_Gente della nostra terra

FREE & ULLI E LIS BESTEATIS


ARLeF
AGENZIE
REGIONÂL
PE LENGHE
FURLANE

in colaborazion cun

REGIONE AUTONOMA
FRIBLI VENEZIA GIUVA

1



Lave dispès
lis mans cun
aghe e savon!
E par tant timp,
almancul par
20 seconts.



INTANT CHE SI LAVÏN,
DISÏN SÙ CHESTE NAINÈ!

Ursule parussule, “
ce fâstu su chê vit?
O mangji pan e coculis
e o spieti gno marit!

“Gno marit
al è lâ in France
a comprâ une balance,
par pesâ so barbe crot
che al pesave sîs e vot.



Al jevave la matine, “
al scovave la cusine
al piave il fogarut,
joi ce brâf chel omenut!



VEJU CA!

Puartiti
simpri daûr
i façolets
di cjarte.

Dopo che tu
ju âs doprâts
butiju tes
scovacis e
laviti subit
lis mans!




CIS!
CUMÒ O VARAI
DI LAVÂMI ANCIJE
IL COMEDON...

Se no tu âs
cun te
i façolets
di cjarte
e ti ven di
starnudâ
o di tosi,
fasilu dentri
dal comedon.

Chestis
regulis
a coventin par
protezinus nô
e lis personis
che o vin
dongje.
Ancje chest
al è un mût
par volêsi ben.

4

O MANDI
UN CURISIN
A DUCJ
I MIEI AMÏS!



www.arlef.it

©2020 Progjet grafic di
Futura Edizioni
www.editoria.futuraedizioni.it